



Bou ons kinders vir môre

Sondagskool 3

Lestitel: Josef in die huis van Potifar

'n Ouerhandleiding

Sondagskooltuisonderrig



Liewe Ouer

Welkom by die les: “**Josef in die huis van Potifar**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Josef in die huis van Potifar
Bybelwoord	Genesis 39: 1-21
Lesdoelwit	Die kinders leer dat God sy eie seën en beskerm in goeie en slegte dae.

Lesopsomming:

Die les wil wys dat God 'n plan het, selfs as ons nie die slegte dae in ons lewens verstaan nie. Hy wil ons seën en beskerm.

- Die slawehandelaars het Josef na Egipte geneem en hom as slaaf verkoop aan Potifar, die hoof van die koninklike wag. God was nog steeds met Josef.
- Potifar het gou besef dat die Here Josef help om suksesvol te wees in alles wat hy doen. Potifar het van Josef gehou en hom sy persoonlike assistent gemaak en hom in beheer gestel van sy huis en al sy eiendom.
- Potifar se vrou het vir Josef raakgesien en probeer om hom op haar verlief te maak(verlei). Josef het geweier omdat hy geweet het dat dit verkeerd was en vir God en Potifar sou seermaak.
- Potifar se vrou het nie moed opgegee nie en sy het aangehou om vir Josef te agtervolg en te pla. Op 'n dag het sy probeer om hom te omhels, maar hy het losgebreek van haar omhelsing en weggehardloop. Toe hy weggehardloop, het sy sy jas gegryp en van hom afgeruk..
- Sy het baie kwaad geword en wou Josef in die moeilikheid laat beland. Toe het sy die ander bediendes geroep en gesê: “Josef wou by my in my bed klim en toe ek skree het hy weggehardloop en sy jas gelos.”
- Toe Potifar by die huis kom, het sy vrou vir hom Josef se jas gewys en aan hom die leuen vertel. Potifar was baie kwaad en hy het Josef in die tronk gesit. Josef het egter steeds op God vertrou en geweet dat God met hom was.
- God se guns en seën was oor Josef en dit het nie lank geduur vir hom om in beheer te wees van alles in die tronk nie.



Wat beteken hierdie les vandag vir ons?

- Ons ervaar dikwels dinge wat ons nie verstaan nie. Alhoewel Josef hartseer was en nie kon verstaan waarom hy in die tronk gegooi is nie, het hy steeds op God vertrou.
- Josef is op goeie en slegte dae deur God geseën en beskerm.
- God wil ons seën en beskerm. Alhoewel ons nie altyd God se wêë verstaan nie, kan ons op Hom vertrou.

Sommige vrae wat ons kan vra:

1. Wat is die naam van die man aan wie Josef in Egipte as slaaf verkoop is?

Antwoord: Potifar

2. Hoe het God vir Josef geseën terwyl hy 'n slaaf in die huis van Potifar was?

Antwoord: Josef was suksesvol in alles wat hy gedoen het en Potifar het hom in beheer gestel van sy huis en eiendom

3. Waarom is Josef deur Potifar in die tronk gegooi?

Antwoord: Potifar se vrou het gelieg en gesê dat Josef haar aangeval het.

4. Wat het met Josef gebeur terwyl hy in die tronk was?

Antwoord: God was by hom en het hom weer geseën. Hy was in beheer van alles in die tronk.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders, Mag ons u teenwoordigheid aanvoel

Seën die les wat ons gaan lê, Leer ons hoe om U te dien

En help ons om u wil te doen, Sodat ons nader aan U kan groei

Stuur Jesus om ons te kom haal, En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie..., Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie. Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.